

安陸府志卷之八

隄防志

郡邑各類

土惟高堅波始清晏一簣一杵勿疎勿慢名曰禦
災實思捍患休息何時憫人盼盼志隄防

郢中自石城而上百二十里爲豐樂河河之左分支
三十里自龍港出塞今又五里曰九龍灘再分播爲龍

爬港經土門之爛泥諸河一出桐木嶺東岸塞今一出

金花灘塞今一出熨斗湖故道尚存西渡則爲花山湖江之

東山落平陸走三十餘里濱漢而止其西撞鍾山在

安陸府志

卷八

一

焉漢水自襄樊而下至此又一衝要熨斗湖而下爲

湖口塞今舊河深廣與大河等廢今又其西爲嚴山湖嚴

山之傍有港曰冷水而不見其上流所自入石城當

其下嚴山峙其上水道迅急素無隄防旁帶陂湖漸

加湮塞此以上流考漢水之水自石城以下委而爲三西岸

支分三十里出流港此元人侵宋盪舟處今上又

五里自塘港出楊家港凡二十五里故道尚存山曰龍尾

盡處爲石牌漢水至此西逼石牌東逼官莊大隄又

一衝要故柴灣之隄常毀開流連口則免此患 山

南分支口三汊港不十里分爲張長口皆迴薄西山
出馬良口三汊口爲石牌居民所塞張長口爲馮家
院居民所塞以致水勢騰激而高家腦之隄常毀若
開二口可免此患石磯西障是爲小別小別之東爲
茶園磯南三十里爲老口二十里爲六馬口南北二
湖實爲水區二口屬小江湖爲湖內居民所塞以致
舊口以下之堤常燬此以上考漢水委於右者石城南五里許
曰二聖套又五里曰蔡家橋相傳漢水由此分支往
時有堤亘其間毀今隄內之水灌千工埧茶陂垸歷胖

安陸府志

卷八

二

張嶺而入赤白野豬湖之白鷺湖岐而東匯爲竹根
蕩爲東泉港岐而西入三汊港下青魚灘歷南港由
葱擔溝會於赤馬軍臺港長灘河此段考蔡家橋之支水而遂及其委
由蔡家橋至此迂迴凡二百餘里倘因其已決之勢
導水中行挑築圩岸以防水入害民耕稼並山而東
多爲陂塘以溉下田則其利亦不細也由蔡家橋大
河之濱三十里至流連口近年被塞大爲民害水東
北分行轉而西南抵三汊港與蔡橋水會又四十里
至金港近塞水支分而北而東由青樹灣入赤馬軍臺

港金港而下三十里爲小河口水勢到此漸殺渡而

西再渡則下爲沙洋之倒口築今大河東行遶多寶灣

此處地兼京山景陵衝要不五里爲丁家河塞今又三

十里曰泗港泗港之內曰泗汊湖週亘數百里舊可

容水諸大姓塞之矣又三十里曰張濟港塞今又二十

里曰黑流渡塞今又九十里曰乾灘鎮漢水自小河支

分由景陵縣治以下西入便河復出此與大河會少

下則田兒河爲安陸府屬之南界河岐而東爲葫蘆

灣凡一百二十里入風門岐而西南二十里爲張池

安陸府志

卷八

三

口入五湖團洲又東岐四十里曰小李灘爲竹筒河

上口塞舊湮水轉西南入鷄公洲麗水洪今雖開復漸

淤矣是爲漢川之西北界此以上考漢水九委於左者由沙洋倒

口沿河東行一百二十里漢別爲潛又六十里西分

入獅子河若竹筒河塞渺舟行多由此再分入小隄口

迤南爲僊桃嘴獅河之水亦會於此小隄口迤東卽

乾灘鎮遇水涸時大舟不行此漢委之接沙洋倒口者小河之內

行六十里曰南河蔡家橋流連口金港口之水皆從

此出蓋自蔡橋至此迂迴幾三百里往時之水安得

而不縮再六十里至青山水來自東遇水頓止從此
歷景陵縣治水環如帶蓋由小河口出鴨兒口與竹
筒河會凡三百里此漢委之入京固山邑然土田瀆
漢江者厥害爲均沱潛出於江漢後江塞而漢水溢
則爲害滋甚乃家自爲垸以冀一歲之獲豈長策耶
荆門自沙洋之隄一築而荆南歲蒙其惠郢北成沮
洳矣所謂以鄰國爲壑者非耶夫江漢沮漳楚之望
也自杜預鑿開陽口其水達巴陵而沮漳合流是爲
新步通南江至荆南爲沙津沔之湖大者數百里小
者不啻數十里其諸洿潦不與焉長波巨浸渺渺相
望何其夥也然其北多在景陵李老爲大其西多屬
監利西湖爲大其南黃蓬爲大其東太白爲大諸湖
皆透迤入太白故沔衆水之匯也太白沔水之匯也
故沔之水瀦於太白洩於沌口地之勢然也景之水
患無歲無之蓋潛沔等耳

漢江北岸諸堤

黃家灣

即杜公堤

鐵牛埂

紅廟堤

老觀廟

從家口

翟家口

安陸府志

卷八

四

關王廟

永鎮觀

流連口

馬公洲

武昌堤

七林洲

茅草嶺

操家嘴

渡船口

多寶灣

毛家港

皂角港

二佛寺

泗港

罐頭尖

塔兒灣

長溝月兒垸

黑流渡

漁泛渚

陶林垸

黃沙垸

泊江

僊桃

漢江南岸諸堤

安陸府志

卷八

五

塘港

沙窩

王家垸

小江湖口

沙洋

新城

南子垸

東老垸

長老垸

永靖洲

蚌湖

夜汊口

蘆洲腦

策口

鄭蒲

黃漳

柘林

以上出
舊郡志

鍾祥縣漢水發源蟠冢匯諸支河由襄樊入郢而寢

夫郢東西皆山田上礲确自北而南濱江兩岸每夏

秋水溢茫然巨浸達於潛沔尤稱澤國乃築長堤以

禦水患先自鐵牛關至王家營地居上游實為京景
潛數縣門戶鍾邑之田居堤內受利者二里二莊而
各縣暨屯衛濱流錯處之田俱恃門戶以無恐此堤
一潰關鍾邑者十之一二關數邑併屯衛者其受淹
分數不等從前堤潰俱係四縣合築碑刻可攷康熙
二年因潰復築自鐵牛關至舊口王家營京山界止
照利害多寡派夫每以十分為率鍾邑四分京山二
分五鰲景陵二分五鰲潛江一分之三鰲荊州右衛
安陸衛各七鰲中之四鰲武昌衛七鰲中之三鰲茲
安陸府志

卷八

六

後各照分數分築定以為例

鐵牛堤

茶菴

法華菴

黃家灣

即堤口

紅廟堤

老觀廟

即分丁守公道廟

吳尚默分派築

許家堤

順治十五年

九月十五日潰

知府馬逢臯

同知馬右京

知府張尊德

同知劉餘霖

知府

知府

督修分築程

新菴

大潭口

保堤觀

從家口

從

家廟明崇禎九年八月築

翟家口

明道薛三才

知府

知府

知府

裕同分孫

關王廟

草廟

馮右京

知府

知府

劉餘霖督修

永鎮觀

明崇禎五年十月築

流連口

築

築

馬公洲

張公菴

劉公菴

馬家嘴

明萬曆癸巳年潰分

守道知薛三繼才先分府常
眞君廟府順馬逢十五年九月文潰學知

督修守知縣馮李右京珽知分府築康熙元年八月併三官廟齊

縣程起築三官廟楚堤茶園屯掛嘴武昌堤

七林洲金港口界京山羅家菴舊口忠祠康熙元

八月潰分守道馮知右縣程起府張分崇德楠梅廟操家

口明萬曆癸巳年潰分守道薛三王家營茅草廟

以上鍾祥諸堤

京山縣漢水出隴氏道縣嶓冢山初名漾水東流至

武都沮縣始為漢水東南至葭萌與羗水合至江夏

安陸府志 卷八 七

安陸縣名沔水故有漢沔水之名又東至竟陵合滄

浪之水又東過三篴水觸大別山南入於江京山為

漢沔上游又邑境俱崇山疊嶂非川澤之區惟西南

一隅地瀆漢流堤決於上則鍾祥當衝景陵漢川為

壑京山受害僅辦頓二里堤決於下則潛江當衝景

陵漢川為壑京山受害亦僅羊亭一村如許家口馬

家嘴堤決俱以水災蠲賦獨未及京山以受害之地

狹也

京山有山糧有水糧築堤照山水冊攤派甚便近來

里書將水糧隱作山糧不思水糧受利之地派及不受利之山糧已爲不均乃反以水作山更將水糧濫免獨苦山鄉之民守憲馮公於康熙五年嚴剔此弊將山水糧石覈實造冊永爲山水定例築堤利害各有輕重堤成受利止在水村而不及山鄉則集議修築應有差等順治十七年鍾祥築堤分派京山協濟爲數過浮闔邑條請上臺豁免其半以全邑之民爲一二里受困以山鄉之地爲水鄉剝肉醫瘡雖相濟相恤之義亦未免偏枯矣

安陸府志

卷八

八

陳洪口堤

順治二十年荆門右衛築北頭五百內除三

弓本縣派

王萬口堤

順治十年修築水糧分二百弓

五十糧七分弓一百

聶家灘堤

順治十五年築水糧分築九十七弓

山糧分築四十七弓康熙元年倒壞一千三百糧

官莊修築三千六百十

潛江縣漢水自襄而下一折入郢經內方而東夾岸

曠夷南接沙洋

荆門地

則潛之西南境也北指陳洪

京地

則潛之西北境注昔弗論自嘉靖丁未決沙洋而西南巨壑直忝江陵分爲支流者九己酉府議於舊決

處□□□步中□□□□歲再決隆慶元□□□

□□荆郢之力以畢此役其年遂移爲夜□□□□

如沙洋其北岸則陳洪揚林泗港相繼而決此□□

潰而潛四境爲壑矣後巡撫趙贇舊爲□府疏請留決

口讓水止於謝家灣西岸修築支堤至近今栗林垸

堤潰皆荆安合力公築其策口而下蘆泖正派入江

經潰口出大別自決沙洋水流緩而竹筒半角灣二

隨開隨東分一派爲潛水至排沙渡南析一支爲洛

江河經深江直滙於沔之白湖其正流繞縣治東至

安陸府志 卷八 九

總口析三支爲沔水俱滙於白湖出沌口入江後潛

流苦淤而一綫難受蘆泖之委遂議疏支河焉

縣周廣七百二十八里皆爲重湖民多各自爲垸故

南則淘湖牛埠北則太平馬昌西則白泖感林東則

河湖黃漢等凡百餘垸俱環堤而居明初修築各垸

堤塹又有罈子湖泗港乾新口各支河分殺水勢嘉

靖三十九年諸堤半決而支河多塞民甚苦之又出

塔兒灣決口在潛江而景陵寔居其害馬家垸□□

在景陵而潛江實受其害此所當會處者

漢水遷徙湮塞爲災議者曰上流之遷徙其害小下流之淤塞其害大若竹筒一河上接漢流下通漢口眞如咽喉不可一日塞者查勘水道止中淤十五里而其淤平絕流者又止七里今日治水其必以濬此河爲先乎後康熙四年荆西守道馮右京議疏通順河亦此意也

高氏堤五代荆南節度使高季昌築堤以障江漢水因名里社虎渡公堤宋乾

道七年十月湖白淤垸堤明成化六年决花封堤明

化七年水縣治江汊垸明成化十年水夜汊口堤明弘

安陸府志 卷八 十

治五年决知新堤 月堤 車璫堤明正德十二年

太平垸 斑家灣 恩江河明嘉靖元年知縣敖新

河以殺梁家嘴明隆慶四年開謝家灣萬曆二年知湯

家口堤萬曆十四年中築乾河口萬曆二十八年築

沔陽州受漢水之害有三一自潛江西南上流十五里名夜澤口漢水從此分流爲入荆之要路合大白諸湖縈九眞山達沌口而入江者爲一道其由潛之張接港過景陵三澁至沔北仙桃鎮下注於漢川縣得潰水至漢陽府之大別山而入江者爲一道其由

潛之張接港分入蘆泐河距沔南蓮子口合復池諸湖而總滙於九真太白諸湖者爲一道明季水害不甚烈者水勢南由夜澤口入荆入監有河蕩伯數吞吐以殺其勢北過景陵三澁者距沔之腹心百里而遙自明末流寇躡入荆安偪迫潛邑蘆泐岸口淤塞揚鞭可渡潛人率夫決淺以防賊渡水漸肆侵齧河流遂濶而有泛濫崩激之勢漢水旣由蘆泐河而下決排沙渡口則夜澤口一河漸見緩滯久之淤塞不通而水勢益奔趨於蘆泐河內排沙渡隨築隨決迄

清朝定鼎以迄順治三年並未築塞沔之腹心不受水患至順治七年景赴院告築合沔潛協濟監立隄防本年則中決楊家灘上決蘆泐頭下決茉莉灣更致遺患八年同三州縣公議築塞加修內垸遂置楊家灘之口不築而茉莉灣告築矣九年未築而潛沔亦得乂安十年景民又赴上告築楊家灘而高家壩遂決十一年高家壩告築而傅家灣又決十二年傅家灣告築而高家壩又決十三年遂讓高家壩於河不築而改築榮家壩復開舊時洛江小河以分水勢

但此河深不數尺水無所容未幾而河內之黃家灣何家套又決十四年黃家灣築沔得稍安而何家套復決十五年上決楊家灘下決洛江河內之莫老潭何家套一帶而沔潛景之受禍爲極慘由是潛人以爲釀禍之源始於蘆泐河口之開張於十六年冬興工築河十七年告竣而本年卽於河左之騎馬堤告決旣而漢川侍御顧如華奏稱擅築古河復開如舊蓋因水無洩處則下流受病也康熙元年築洛江河口本年五月復決所以然者因夜澤口之河旣塞凡

安陸府志

卷八

十二

荆監沔南諸湖所納之水盡趣於蘆泐一河萬頃波濤僅以尺噉寸咽吞而吐之鮮有不崩潰四裂者爲沔之計築榮家澗以斷洛江河道而置何家套之口不築修內垸邊江之故跡以分水勢則疏瀹之遺意也至康熙四年荆西守道馮公右京主議疏通順河修邊江堤焉

長官堤

卽在江州南

百石湖

在州北五里

高堤

卽復州故城

總堤

在總

口橫堤

在北

泗腦嶺

在嶺內

排沙渡

順治五年協修

李榮堤

順治

年十二修

蘆泐澗

順治十六年協修

楊傅堤

順治十八年協修

郭家口傅

家灣張心潭等處

康熙三年
協修

南轄江堤

康熙四年
修

景陵縣漢水由襄達郢至景陵名三澁相形築堤以禦水患自郢鐵牛關至王家營地居上游爲景門戶景害居半順治十五年眞君廟潰知府馬逢臯同知林文學定議協築期年告成康熙元年三官廟等處並潰至三年分守道馮右京知府張尊德同知劉餘霖興築以十分爲率景陵派二分五釐因以爲例由茅草嶺至泗港地漸逼近爲景唇齒此堤一潰景害十九明萬曆十六年洪水犯安陸巨璫有議開泗港安陸府志

卷八

十三

以殺水勢者知縣力陳利害乃得免焉由張濟港至漁泛洚爲景腹心水入縣屬分二派一支自葫蘆三灣逕岳口彭石通泊江爲大河一支自牛蹄口逕淘溪乾鎮出脉望嘴爲小河二河一潰景害十分順治初年潛江楊家灘不築景陵馬垸又決至十四年同知馬逢臯築塞民賴以安十六七年衆議築蘆泐河未幾別潰康熙五年潛自築洛江河至疏通順河先經守道馮右京采集衆議府廳會勘潛沔景協力趨事併各修邊江堤皆同知劉餘霖董其役又內河垸

堤則各垸自修而蒲漢接壤之處隄防多不備殊憂築舍也

荆門州張鷟嘴在青四里地方昔年有堤防水自明惠王分封荆州開口通商北接漢江夜澤口之水遶青四青三青一地方通長湖上抵荆州草市下抵荆州新堤是波流會合之所安其常則漢水循行一經泛漲則荆門下里地方受其敝而荆州尤甚矣

借糧湖在州東南二百里周環東六東七青三青四青五之地有鯽魚口新口二處爲溝里許洩水於魚池小河以入張鷟嘴春夏泛漲水返上溢水不能外洩則數里之田崩陷滄沒者無筭矣

安陸府志

卷八

十四

小江湖在沙洋上十五里乃馬上三馬上四羔三三里之地糧亦三里之糧地廣十里自爲一區三面環山一面瀆漢水爲堤順治十二年彼湖居民因上年堤決受滄告合屬協築

沙洋當漢江之衝控荆門江監潛沔之上游舊有隄爲防明嘉靖丁未堤決水勢直瀉荆州後合力築堤係荆州知府趙贇建議興工於隆慶元年九月迄次

年八月堤成而荊州江監諸地實受其利故至順治十二年安陸府同知馬逢臯仍請荊州協幫以濟大工江監屬地藉爲保障而荊門之民力困焉

當陽縣邑因岡爲墉北扼沮水每山水驟發滙爲洪流越其故道衝齧縣治民不安居明嘉靖壬辰於城垣東北爲石磯以捍之不數年決隆慶庚子於河北二里許開河故道自西口至東口抵東南舊河徑達河溶市乃於南岸築長堤又築新堤於城之西北山嘴萬曆間堤稍決天啓間河又橫決其左河溶者萬安陸府志

卷八

十五

曆初水決曹家口引沮河旁洩壬子漳水亦西潰而合流去市五里許故河遂竭貿遷不通民甚病之戊申築堤於曹家口障之旋潰乙卯議爲兩河並築狂瀾難挽舍沮水聽其循曹家湖獨濬漳水遵故道至今便焉

明萬曆初以本邑旣隸承天將前堤內除九百五十丈仍屬當陽其李家埠一帶一百九十丈在滋泥湖者長一千三百丈胥寓港者長一千四百丈在方城者長一千一百九十二丈

論曰隄工之役有大利大害者小利小害者宜分別
差等以爲輕重若一概驅役之民未盡服也且修堤
令下期於保固而或乃居奇從事有包攬有侵漁有
梗抗有蠲免有賄脫有折乾合諸州邑計之歲費人
工數百萬費金錢亦數十萬自冬及春自春及夏畚
鍤如雲蜿蜒長堤美觀哉未幾而秋水忽至依然彌
望巨浸矣遂致流離轉徙搯築無人司民牧譚水利
者寧不痛心疾首建良策以出阨危察虛冒以圖實
濟而徒使年年歲歲填膏血於谿壑耶